



**LAPORAN LIPUTAN MEDIA HARIAN  
KHAMIS 3 MAC 2022**

<b>BIL</b>	<b>TAJUK KERATAN AKHBAR</b>	<b>KEMENTERIAN / JABATAN / AGENSI</b>
1. 2. 3. 4. 5. 6.	MAFI KOMITED BANTU PENGUSAHA NANAS, KOSMO -ONLINE CEROBOH PERAIRAN, LEBIH 1000 NELAYAN KUALA MUDA TERJEJAS, HARIAN METRO -ONLINE PENCEROBOH SONGLAP REZEKI NELAYAN, NEGARA, KOSMO -17 HALANG PENCEROBOHAN BOT PUKAT TUNDA, NEGERI KELANTAN.KEDAH, SINAR HARIAN -28 MAFI PRIHATIN NASIB AHLI PPK, KOMUNITI KITA, UTUSAN MALAYSIA -41 ISU NELAYAN DISELESAIKAN, NASIONAL, SINAR HARIAN -7	KEMENTERIAN PERTANIAN DAN INDUSTRI MAKANAN (MAFI)
7. 8.	MAQIS RAMPAS 24 TAN DAGING SEJUK BEKU, NASIONAL, BERITA HARIAN -22 DAGING KERBAU INDIA TIDAK PAMER LOGO HALAL, NEGARA, KOSMO -16	JABATAN PERKHIDMATAN KUARANTIN DAN PEMERIKSAAN MALAYSIA (MAQIS)
9.	PJKM CATAT HASIL JUALAN LEBIH RM4.5 JUTA, NEGERI PERAK.SELANGOR/KL, SINAR HARIAN -26	LEMBAGA PEMASARAN PERTANIAN PERSEKUTUAN (FAMA)
10. 11. 12. 13. 14. 15. 16. 17. 18.	KEBUN MUSNAH DITENGGELAMI AIR, PENGUSAHA JAGUNG KERUGIAN RM50,000, NEGERI KELANTAN.KEDAH, SINAR HARIAN -28 MAEPS READY TO TAKE IN MILD CASES, NEWS/NATION, NST -4 GRAPPLING WITH CHANGING PATTERNS, NEWS, STARMETRO -3 FISHERMAN IN SOUTH JOHOR BESET BY CHALLENGES AT EVERY CORNER, NEWS, STARMETRO -3 LIMA PENTERNAK RUGI RM800,00 APABILA 40 TAN IKAN MATI, LOKAL, HARIAN METRO -11 KEBUN JAGUNG DIBADAI BANJIR, LOKAL, HARIAN METRO -10 TEKNIK KABUS SUBUR TANAMAN, DALAM NEGERI, UTUSAN MALAYSIA -32 PENGUSAHA KELULUT NAFI BONGKAR ISU BALAK, DALAM NEGERI, UTUSAN MALAYSIA -32 GUDANG MAKANAN NEGERI SELANGOR, AGRO.GAYA, UTUSAN MALAYSIA -23	LAIN-LAIN

UKKMAFI

UNIT KOMUNIKASI KORPORAT  
KEMENTERIAN PERTANIAN DAN INDUSTRI MAKANAN  
(UNTUK EDARAN DALAMAN MAFI, JABATAN DAN AGENSI SAHAJA)

TARIKH	MEDIA	RUANGAN	MUKA SURAT
3/3/2022	KOSMO	ONLINE	

## MAFI komited bantu pengusaha nanas



Ronald (tengah) melihat kraftangan menggunakan daun nanas di salah sebuah pameran di Kilang Pau Mira Frozen, Pagoh, Muar, hari ini. Foto NUR ALINA HASSAN

MUAR- Kementerian Pertanian dan Industri Makanan (MAFI) melalui Lembaga Perindustrian

Nanas Malaysia (LPNM) komited dalam membantu pengusaha nanas di negara ini untuk meningkatkan purata pendapatan mereka sehingga RM8,000 sebulan.

Menteri MAFI, Datuk Seri Dr. Ronald Kiandee berkata, melalui Rancangan Malaysia Ke-12 (RMK-12), pihaknya memperuntukkan sebanyak RM137 juta bagi menjayakan tujuh skop program pembangunan meliputi bantuan kepada pekebun kecil serta usahawan industri hiliran nanas.

“Sektor industri nanas negara diunjurkan terus berkembang sebanyak lima peratus setahun dengan eksport nanas negara telah mengalami peningkatan ketara iaitu sebanyak RM641 juta pada tahun 2020 berbanding RM138 juta pada tahun 2016.

“Ia selaras dengan halatuju LPNM memperkasakan pembangunan industri nanas negara serta meningkatkan purata pendapatan pengusaha nanas daripada RM5,000 sebulan kepada RM8,000 sebulan dalam tempoh RMK-12,” katanya. Beliau berkata demikian ketika ditemui media pada Program Jelajah Dialog Industri Makanan 2022 (DIA2022) Pagoh, di sini, hari ini, yang turut dihadiri Pengerusi LPNM, Datuk Dr. Sahrudin Jamal.-KOSMO! ONLINE

TARIKH

MEDIA

RUANGAN

MUKA

SURAT

3/3/2022

HARIAN  
METRO

ONLINE

## Ceroboh

### perairan, lebih 1,000 nelayan Kuala Muda terjejas



ANAK ikan atau benih di perairan Kuala Muda, Kedah, mati kerana terperangkap akibat penggunaan peralatan yang tidak dibenarkan. FOTO Ihsan CAP

Georgetown: Aktiviti pencerobohan bot pukat tunda, rawa sorong dan penggunaan bubu naga di perairan Kuala Muda, Kedah, menyebabkan lebih 1,000 nelayan pantai di

kawasan itu terjejas sumber pendapatan.

Sehingga kini masih tiada tindakan berkesan diambil pihak berkuasa walaupun ia sudah lama berlaku.

Nelayan, Amin Abdul Hamid, 43, berkata, sejak nelayan bot pukat tunda, rawa sorong dan bubu naga itu menjalankan aktiviti di perairan berkenaan, didapati hidupan laut semakin pupus.

Manakala benih ikan, udang, ketam dan lain-lain turut musnah akibat penggunaan peralatan berkenaan.

"Kami juga mengalami kerugian berpuh ribu ringgit kerana alat tangkapan musnah akibat dilanggar oleh bot itu.

"Jika kejadian ini gagal ditangani dengan berkesan oleh pihak berkaitan, kemungkinan mata pencarian nelayan di sini juga akan terputus tidak lama lagi," katanya.

Bagi Mukhlis Mansor, 36, pula berkata, walaupun banyak aduan sudah dibuat kepada pihak berkenaan, masalah itu masih berterusan.

"Menghairankan kerana setiap kali aduan dibuat, nelayan yang menjalankan aktiviti haram itu menghentikan operasi mereka serta-merta dan kemungkinan perkara itu berlaku akibat kebocoran maklumat pengadu.

"Sebelum ini, nelayan memperoleh pendapatan lebih RM200 setiap kali turun ke laut tetapi sekarang hanya mendapat antara RM30 hingga RM40 sahaja," katanya.

Pengkalan nelayan yang terbabit ialah Teluk Nipah, Teluk Amboi, Pulau Sayak dan Tanjung Dawai.

Difahamkan, bot pukat tunda yang mencero boh zon tangkapan nelayan pantai di sini berpangkalan di Kuala Kedah, manakala nelayan bot pukat rawa sorong dan bubu naga pula dari daerah Yan.

Aktiviti haram berkenaan sering dilakukan sekitar jam 12 tengah malam sehingga 6 pagi, antara 100 meter hingga empat kilometer dari pantai manakala kawasan tumpuan operasi bot itu ialah di perairan Pulau Bidan, Tanjung Jaga dan Singkir.

Sementara itu Presiden Persatuan Pengguna Pulau Pinang (CAP) Mohideen Abdul Kader berkata, penguatkuasaan undang-undang yang lemah menyebabkan masalah itu berlarutan hingga sekarang.

Akibatnya, bukan sahaja nelayan pantai terus tertindas malah ribuan metrik tan anak ikan atau benih musnah setiap hari dan jika dibiarkan boleh menyebabkan kepupusan sumber perikanan serta menggugat sektor berkenaan.

"CAP menggesa Jabatan Perikanan Kedah dan Agensi Penguatkuasaan Maritim Malaysia (APMM) supaya membanteras aktiviti haram ini serta perlu menguatkuasakan Akta Perikanan 1985 dengan tegas dan berkesan.

"Kementerian Pertanian dan Industri Makanan (MAFI) digesa campur tangan dan menjalankan siasatan dengan segera terhadap aduan yang dikemukakan nelayan pantai.

"Pihak berkaitan juga perlu menyalurkan bantuan atau pampasan setimpal kepada mereka yang terbabat dengan kerosakan alat tangkapan akibat dilanggar bot pukat tunda ketika mencero boh Zon A di perairan itu," katanya menerusi kenyataan di sini.

Bot pukak tunda, rawa sorong musnahkan benih hidupan laut

# Penceroboh songlap rezeki nelayan

Oleh NUR SYAZWANA MANSOR

**SUNGAI PETANI** - Kira-kira 1,000 nelayan mendesak pihak berkuasa supaya mengambil tindakan tegas dan menangkap mereka yang melakukan pencerobohan bot pukak tunda dan rawa sorong di perairan Kuala Muda dan Yan di sini.

Pencerobohan itu bukan sahaja menjejaskan sumber pendapatan nelayan di pangkalan Teluk Nipah, Ambol, Pulau Sayak dan Tanjung Dawai dekat sini, malah menyebabkan benih ikan, udang ketam dan lain-lain musnah.

Presiden Persatuan Pengguna Pulau Pinang (CAP), Mohideen Abdul Kader berkata, pencerobohan semakin serius hingga menyebabkan nelayan huaya memperoleh RM40 sehari berbanding RM200 sebelum ini.

Katanya, nelayan rugi hampir puluhan ribu ringgit kerana peralatan menangkap ikan musnah dilanggar bot-bot tersebut.

"Penceroboh bot pukak tunda disyaki berpangkalan di Kuala



**PELBAKAI** jenis anak ikan dan hidupan laut yang terperangkap dalam bot tunda dan rawa sorong penceroboh perairan Kuala Muda dan Yan.


pihak berkuasa tetapi tiada sebarang tindakan yang berkesan diambil.

Sehubungan itu beliau mengesahkan Kementerian Pertanian dan Industri Makanan, Jabatan Perikanan Kedah dan Maritim Malaysia supaya campur tangan dan menjalankan siasatan berkaitan isu tersebut.

Sementara itu, seorang nelayan, Amin Abdul Hamid, 43, berkata, nelayan di sini mungkin akan terputus sumber mata pencarian tidak lama lagi sekiranya pihak berkuasa tidak mengambil tindakan.

Seorang lagi nelayan, Mukhlis Mansor, 36, pula memberitahu, dia kecewa kerana pihak berkuasa gagal mengambil tindakan bagi membanteras aktiviti haram tersebut.

"Saya haitan setiap kali aduan dibuat, nelayan yang menjalankan aktiviti haram ini akan menghentikan operasi mereka serta-merta mungkin disebabkan berlaku kebocoran maklumat," dakwanya.



**CONTOH** bubu naga yang sering digunakan secara haram bagi menangkap ikan.



**MUKHLIS**

3/3/2022

SINAR  
HARIANNEGERI  
KELANTAN.  
KEDAH

28

# Halang pencerobohan bot pukat tunda

Lebih 1,000 nelayan di Kuala Muda gesa pihak berkuasa ambil tindakan tegas

Oleh SITI ZURADAH ZAKARAYA

## SUNGAI PETANI

Lebih 1,000 nelayan di daerah Kuala Muda di sini memohon pihak berkuasa meningkatkan penguatkuasaan bagi menghalang pencerobohan yang menjejaskan pendapatan mereka.

Nelayan, Amin Abdul Hamid, 43, berkata, penguatkuasaan perlu dikenakan lebih tegas ke atas pihak yang menggunakan pukot tunda, rawa sorong dan bubu naga secara haram sehingga menjejaskan nelayan dari pangkalan Teluk Nipah, Teluk Amboi, Pulau Sayak dan Tanjung Dawai.



MUKHLIS



AMIN



Pelbagai jenis anak ikan mati akibat terperangkap oleh tindakan bot pukot tunda.

Menurutnya, pencerobohan dikesan bermula sekitar jam 12 tengah malam hingga 6 pagi meliputi kawasan antara 100 meter hingga empat kilometer dari persisiran pantai termasuk di sekitar Pulau Bidan, Tanjung Jaga dan Singkir.

"Kegiatan pencerobohan boleh menyebabkan kepupusan hidupan laut seperti benih ikan, udang, ketam dan lain-lain akibat penggunaan peralatan terlarang. "Ada nelayan yang hanya dapat RM40 setiap kali turun ke laut berbanding dulu sekitar

RM200 setelah tangkapan hasil laut berkurangan," jelasnya.

Menurut Amin, terdapat nelayan yang menanggung kerugian berpuluh ribu ringgit akibat alat tangkapan rosak dilanggar penceroboh.

Seorang lagi nelayan,

Mukhlis Mansor, 36, mendakwa, masalah itu sudah dilaporkan beberapa kali, namun ia masih berlaku.

Katanya, tindakan membanteras selain hukuman yang setimpal perlu dikenakan ke atas pelaku bagi mengekang perbuatan terbabit.

Masalah itu turut mendapat perhatian Persatuan Pengguna Pulau Pinang (CAP) yang menggesa Kementerian berkaitan mempertangan bagi menyiastiparaka berkenaan.

Presiden CAP, Mohideen Abdul Kader berkata, pencerobohan boleh menyebabkan kepupusan sumber, mengganggu sektor perikanan dan memberi kesan terhadap ekonomi negara pada masa akan datang.

Menurutnya-aktiviti itu juga menyebabkan ribuan metrik tan benih ikan musnah setiap hari.

"Masalah yang disuarakan oleh nelayan di Kuala Muda bukanlah isu baharu malah keadaan ini masih berlarutan hingga kini," katanya.



## MAFI Prihatin nasib ahli PPK

SERAMAI 300 ahli Pertubuhan Peladang Kawasan (PPK) Pasir Puteh, Kelantan menerima sumbangan bakul makanan di bawah program MAFI Prihatin di pekarangan Pejabat Ahli Parlimen Pasir Puteh, baru-baru ini.

MAFI Prihatin merupakan program kebajikan Kementerian Pertanian dan Industri Makanan (MAFI) bagi membantu kumpulan sasar iaitu rakyat katagori B40 yang terkesan sepanjang pandemik Covid-19.

Majlis penyerahan sumbangan tersebut disempurnakan Timbalan Menteri Pertanian dan Industri Makanan II, Datuk Dr. Nik

Muhammad Zawawi Salleh yang juga Ahli Parlimen Pasir Puteh. Menurut Nik Muhammad

Zawawi, di bawah program MAFI Prihatin, seramai 2,077 ahli PPK di seluruh Kelantan layak menerima bantuan itu dengan nilai keseluruhan dianggarkan sebanyak RM104,110.

■ **NIK Muhammad Zawawi Salleh** (tengah) bersama barisan kepimpinan Lembaga Pertubuhan Peladang (LPP) ketika menghadiri Majlis Penyampaian Bantuan MAFI Prihatin di Pasir Puteh, Kelantan, baru-baru ini. - **UTUSAN/TOREK SULONG**

# Isu nelayan diselesaikan

LKIM, MAFI anjur sesi Dialog Industri Agromakanan 2022 di Endau

Oleh MUHAMMAD AMNAN HIBRAHIM

Lembaga Kemajuan Ikan Malaysia (LKIM) dengan kerjasama Kementerian Pertanian dan Industri Makanan (MAFI) menganjurkan Jelajah Dialog Industri Agromakanan 2022 di Kompleks Perikanan LKIM Endau, di sini pada Selasa.

Menteri Pertanian dan Industri Makanan, Datuk Seri Dr Ronald Kiandee berkata, jelajah dialog itu merupakan lanjutan daripada sesi yang dilaksanakan bagi proses libat urus bersama pemain industri di semua sektor dan subsektor di bawah Kementerian tersebut.

Beliau berkata, beberapa isu berkaitan nelayan di negeri Johor juga berjaya diselesaikan dalam program tersebut termasuk masalah perlesenan.

"Seramai 126 nelayan kelas A diberikan lesen hari ini selepas satu proses pemutihan yang dilakukan untuk kawasan Endau dan negeri Johor keseluruhannya.

"Ini merupakan pendekatan baharu yang dibuat oleh MAFI iaitu membuat proses pemutihan untuk mendaftarkan dan memberikan lesen baharu kepada nelayan tulen yang juga nelayan sepenuh masa," katanya ketika ditemui pemberita selepas



Penerima bantuan bergambar bersama selepas menerima bantuan pada program Jelajah Dialog Industri Agromakanan 2022.

menjadi panel dalam program tersebut pada Selasa.

Turut diadakan pada program dialog berkenaan acara Karnival Jualan My Best Buy oleh Lembaga Pemasaran Pertanian Persekutuan (FAMA); Lelongan Ayam PPN oleh Pertubuhan Peladang Kawasan (PPK) Endau; Pasar Bergerak Lembaga Kemajuan Ikan Malaysia (LKIM) dan Jualan Ikan Segar oleh Persatuan Nelayan Kawasan Endau serta Sedili.

Dalam pada itu, Ronald berkata, secara keseluruhan seramai lebih kurang 3,000 nelayan baharu telah dipilih dan ditawarkan lesen tulen di seluruh negara menerusi proses pemutihan sefakat ini.

Menjawab soalan mengenai tuntutan kenaikan elaun sara hidup daripada RM300 kepada RM500 untuk setiap nelayan, Ronald Kiandee bagaimanapun berkata cadangan itu akan dikaji oleh kerajaan untuk menentukannya.

Sementara itu, Ketua Pengarah LKIM, Yusoff Othman yang juga panel dalam dialog itu berkata, penganjuran acara tersebut amat penting untuk diadakan kerana ia dapat memudahkan usaha kerajaan menyelesaikan isu dihadapi nelayan.

"Ia memudahkan LKIM

untuk menyelesaikan masalah melalui persatuan nelayan di kawasan masing-masing.

"Mana-mana masalah kita akan salurkan kepada persatuan nelayan. Itu bermakna penyelesaian kepada kumpulan sasar juga mudah dilaksanakan," ujarnya.

Terdahulu, program tersebut turut menyaksikan pemberian bantuan 'touch point' peralatan tangkapan ikan kepada 70 nelayan di kawasan Endau, Mersing dan Tanjung Piai serta Bantuan Yayasan Nelayan Malaysia (YANEM) 'Back to School' kepada 50 anak-anak ahli persatuan nelayan.

Turut disampaikan ialah lesen sambilan khas kepada 126 penerima yang terdiri daripada nelayan laut kawasan Mersing dan Endau serta bantuan peralatan menangkap ikan kepada 31 penerima nelayan darat dengan peruntukan sebanyak RM12,400 daripada Jabatan Perikanan Malaysia (DOF).

Pada masa sama, Geran Agropreneur Muda turut diberikan kepada empat agropreneur Negeri Johor dan 350 penerima Bantuan MAFI Prihatin serta satu penerima dibawah Program PENJANA Jabatan Perkhidmatan Veterinar berjumlah RM20,000.

## REAKSI



"Kalu nak beli sendiri peralatan seperti mesin sangkut, memang tidak mampu sebab tak boleh dibuat secara ansuran. Jadi bila dapat ini, kami boleh manfaatkannya untuk mencari rezeki menampung keluarga." - Ahli Lembaga Pengarah PNK kawasan Johor Selatan, Samsuddin Omar



"Bukan semua nelayan boleh teruskan ke laut dengan peralatan yang ada, kemampuan kita terbatas. Bantuan ini memberi peluang nelayan tambah baik peralatan mereka dan tingkatkan keupayaan sebagai nelayan." - Ahli Lembaga Pengarah PNK Endau, Abdul Malek Jusoh



"Dengan bantuan ini saya dapat meningkatkan kapasiti pengeluaran produk makanan yang dihasilkan. Ini sekali gus membolehkan kami meluaskan pasaran perniagaan ke seluruh negara." - Pengusaha Satar dari Kota Tinggi, Normala Tugiran



"Bantuan ini bertepatan dengan keperluan nelayan di sini yang kebanyakannya nelayan di pesisir pantai. Ini membantu untuk kami memastikan peralatan digunakan sentiasa diselenggara dengan baik." - Nelayan dari Endau, Mohd Saiful Hashim



Ronald (tengah) bersama Yusoff ketika program Jelajah Dialog Industri Agromakanan 2022 di Kompleks Perikanan LKIM Endau, pada Selasa.

## INFO BANTUAN NELAYAN:

- Erija sampan pukot (RM400,00) - 40 penerima dari Tanjung Piai
- Pukat - 20 penerima di Endau
- Tong ikan - 10 penerima
- Bantuan YANEM 'Back To School' - 50 penerima (bantuan tunai RM100 untuk membeli barangan keperluan sekolah)
- Lesen sambilan khas - 126 nelayan dari kawasan Mersing dan Endau
- 31 nelayan orang asli menerima bantuan RM12,400. Lesen peralatan menangkap ikan terdiri:
  - Jala ikan nylon
  - Jaring
  - Tali jalar
  - Tali jaring



Antara peserta nelayan yang hadir untuk menerima bantuan pada program berkenaan.



Ronald (empat dari kiri) menyampaikan bantuan peralatan kepada nelayan pada program Jelajah Dialog Industri Agromakanan 2022.



# MAQIS rampas 24 tan daging sejuk beku

**Siasatan dapati produk dibawa masuk syarikat tempatan untuk pasaran domestik**

Oleh Ruwaida Md Zain  
bhnews@bh.com.my

**Pelabuhan Klang:** Sejumlah 24 tan daging kerbau sejuk beku dari India dirampas Jabatan Per-

khidmatan Kuarantin dan Pemeriksaan Malaysia (MAQIS) di Pelabuhan Klang Barat di sini, Sabtu lalu.

MAQIS Selangor berkata, pemeriksaan rutin pegawai penguat kuasa MAQIS pada jam 3.25 petang itu mendapati sebuah kontena membawa dagingan daging kerbau sejuk beku tidak mematuhi syarat Permit Import dikeluarkan MAQIS.

"Pengimport yang membawa dagingan itu gagal memamerkan logo halal di dalam kotak dagangan seperti mana syarat Permit Import diluluskan.

"Berikutan itu, semua daging



Daging kerbau sejuk beku dari India dirampas MAQIS di Pelabuhan Klang Barat, Sabtu lalu. (Foto ihsan MAQIS Selangor)

kerbau sejuk beku dianggar 1,120 karton dengan nilai RM323,000 ditahan untuk tindakan lanjut.

"Siasatan mendapati, daging kerbau sejuk beku itu berada di pelabuhan sejak 25 Januari lalu itu dibawa masuk oleh sebuah syarikat tempatan untuk pasaran tempatan," katanya dalam satu kenyataan, semalam.

Kenyataan itu menyebut, kegagalan mematuhi syarat ditetapkan pada Permit Import MAQIS menjadi kesalahan mengikut Seksyen 15(1), Akta Perkhidma-

tan Kuarantin dan Pemeriksaan Malaysia 2011 yang boleh dikenakan tindakan mengikut Seksyen 15(2), Akta sama.

Jika disabit kesalahan, boleh didenda tidak melebihi RM100,000 atau dipenjarakan tidak melebihi enam tahun atau kedua-duanya.

"MAQIS mengambil serius isu membabitkan keselamatan makanan, kawalan penyakit dan risiko kemasukan perosak yang boleh mengancam industri pertanian negara," katanya.

TARIKH	MEDIA	RUANGAN	MUKA SURAT
3/3/2022	KOSMO	NEGARA	16

## Daging kerbau India tidak pameran logo halal

**KLANG** – Cubaan membawa masuk 24 tan daging kerbau sejuk beku dari India yang tidak mempamerkan logo halal gagal selepas dikesan pihak berkuasa dalam kejadian di Pelabuhan Barat di sini baru-baru ini.

Rampasan daging bernilai RM323,000 itu dilakukan kira-kira 3.25 petang pada Sabtu lalu hasil pemeriksaan rutin dijalankan pegawai penguat kuasa Jabatan Perkhidmatan Kuarantin dan Pemeriksaan Malaysia (Maqis).

Menurut Maqis Selangor, berdasarkan siasatan awal mendapati, kesemua daging itu yang berada dalam sebuah kontena tersebut telah berada di pelabuhan berkenaan sejak 25 Januari lalu.

Katanya, daging-daging berkenaan diimport oleh sebuah syarikat pengimport dan pengedaran produk makanan


yang beroperasi di negeri ini.

Difahamkan syarikat tersebut telah beroperasi sejak 26 tahun lalu.

"Hasil pemeriksaan mendapati pengimport itu gagal mempamerkan logo halal di dalam kotak dagangan yang dikehendaki seperti yang dinyatakan di dalam syarat permit import yang diluluskan.

"Kesemua daging kerbau sejuk beku yang dianggarkan sebanyak 1,120 kanton dengan nilai RM323,000 untuk pasaran tempatan itu ditahan untuk tindakan lanjut," katanya dalam kenyataan di sini semalam.

Jelas Maqis Selangor, kes disiasat mengikut Seksyen 15(1), Akta Perkhidmatan Kuarantin dan Pemeriksaan Malaysia 2011 yang memperuntukkan penjarra sehingga enam tahun atau denda tidak melebihi RM100,000 atau kedua-duanya sekali.



**SEBAHAGIAN** daging kerbau yang dirampas di Pelabuhan Barat, Klang baru-baru ini.

3/3/2022

SINAR  
HARIANNEGERI.  
PERAK.

26

SELANGOR/KL

# PJKM catat hasil jualan lebih RM4.5 juta

Program jualan itu memanfaatkan 234,109 pengguna di Selangor

Oleh ENGGU SHARIFUL AZNI

SHAH ALAM

**P**rogram Jualan Keluarga Malaysia (PJKM) yang dikendalikan oleh Kementerian Perdagangan Dalam Negeri dan Hal Ehwal Pengguna (KPDNHEP) Selangor mencatat hasil jualan sebanyak RM4,587,968.95 sejak Disember hingga Ahad lalu.

Pengarah KPDNHEP Selangor, Muhammad Zikri Azan Abdullah berkata, pelaksanaan PJKM di Selangor yang diadakan sebanyak 94 kali itu memberikan manfaat kepada seramai 234,109 pengguna dalam tempoh sama.

Menurutnya, program prihatin pengguna dianjurkan sebagai inisiatif untuk bantu mengurangkan kos sara hidup rakyat Selangor yang disasarkan daripada kumpulan isi rumah berpendapatan rendah.

"Program ini digerakkan secara kerjasama di antara KPDNHEP Selangor bersama Pemasaran Pertanian Persekutuan (FAMA), Lembaga Kemajuan Ikan Malaysia (LKIM) dan Perubuhan Peladang Kebangsaan (Nafas).

"Perniagaan industri peruncitan utama di sekitar Selangor turut menyertai program ini sebagai tanda sokongan menjayakan inisiatif PJKM bagi menangani pergerakan harga barangan yang mencabar kepada pengguna di Selangor khususnya," katanya menerusi satu kenyataan pada Rabu.

Dalam pada itu, Muhammad Zikri Azan berkata, program



Muhammad Zikri Azan (dua dari kiri) bersama dengan pembantu yang berkhidmat ke salah sebuah gerai sayur ketika program Jualan Keluarga Malaysia di Taman Putra Perdana, Sepang pada Disember lalu.

PJKM juga akan dilanjutkan sepanjang Mac ini pada setiap hari Sabtu dan Ahad di lokasi-lokasi strategik dan mudah diakses oleh kumpulan.

Katanya, orang ramai boleh pada setiap hari Jumaat menerusi hantaran di Facebook KPDNHEP Selangor.

"PJKM menawarkan pilihan kepada pengguna untuk mendapatkan pelbagai barangan keperluan harian dengan harga sehingga 20 peratus lebih rendah daripada harga pasaran setempat.

"Antara barangan yang dijual semasa program ini adalah ayam, telur ayam, ikan, sayur-sayuran, barangan kering seperti bawang,

citi kering, gula, minyak masak, tepung gandum, beras, makanan dalam tin dan barangan proses.

"PJKM Selangor diharapkan menjadi pemangkin kepada masyarakat pengguna untuk membuat pilihan yang bijak bagi mengurangkan bebanan perbelanjaan isi rumah," katanya.

TARIKH	MEDIA	RUANGAN	MUKA SURAT
3/3/2022	SINAR HARIAN	NEGERI KELANTAN. KEDAH	28

## Kebun musnah ditenggelami air, pengusaha jagung kerugian RM50,000

**KUALA KRAI** - Seorang pengusaha jagung di Kampung Temalir Lama di sini hampir pengsan apabila melihat kawasan kebun yang diusahakannya digenangi air banjir sedalam lebih dua meter pada Jumaat lalu.

Idris Hassan, 65, berkata, hujan berterusan di daerah tersebut sejak Khamis lalu menenggelamkan tanamannya seluas 1.2 hektar akibat limpahan air Sungai Pahi.

Menurutnya, sebanyak 5,000 batang jagung yang bernilai RM50,000 musnah.

"Tanaman ini saya usahakan bersama adik-beradik. Dua kali hujan turun dan tenggelamkan jagung kami. Sepatutnya semua jagung itu boleh dituai hasilnya bulan depan, tapi apakan daya, bukan rezeki kami," katanya kepada pemberita di sini pada Rabu.

Menurutnya, mereka mengusahakan tanaman jagung berkenaan dengan modal sendiri yang biasanya berdasarkan sistem modal pusingan untung.

Namun, katanya, disebabkan banjir kali ini, modal dan



Idris (kanan) dan seorang penduduk kampung melihat keadaan jagung yang musnah di atas tanah seluas 1.2 hektar di Kampung Temalir Lama, Kuala Krai pada Rabu.

untung hilang, sekali gus memaksa mereka bertatih kembali untuk mencari modal lain.

"Saya memerlukan modal untuk memulakan semula tanaman ini. Memang saya amat memerlukan bantuan kerajaan.

"Sepatutnya saya boleh mendapat keuntungan bersih sebanyak RM10,000 selepas menuai, namun saya reda dan bersabar dengan ujian ALLAH. Semoga kami semua akan memperoleh rezeki yang

lebih baik selepas ini," ujarnya.

Idris berkata, dia telah mengusahakan kebun jagung itu sejak 20 tahun lalu dan kebiasaannya akan menanam anak benih jagung antara bulan Mac dan April manakala hasilnya dapat dituai selepas dua bulan setengah.

Katanya, kali ini ia ditanam lebih awal namun apa yang berlaku tersebut adalah di luar kemampuan dan jangkaan manusia.

TARIKH	MEDIA	RUANGAN	MUKA SURAT
3/3/2022	NST	NEWS/NATION	4



*Dr Ferwahn Fairis, the director of the low-risk quarantine centre at the Malaysia Agro Exposition Park Serdang, showing the facility to journalists yesterday. (Inset) Unified Command Centre assistant commander Dr Ridzuan Mohd Isa. BERNAMA PIC*

## MAEPS ready to take in mild cases

**SERDANG:** The low-risk quarantine centre at the Malaysia Agro Exposition Park Serdang (MAEPS) here will take in Categories 1, 2a and 2b Covid-19 cases, which do not require hospital facilities and equipment.

The centre's director, Dr Ferwahn Fairis, said the facility had received 90 patients who were referred by hospitals and Covid-19 assessment centres.

"There are 850 beds here, and a medical team is on standby to receive cases from the three categories.

"The cases we received so far are those who are stable and do

not need intensive or procedural treatments," he said after a media tour of the facility in MAEPS Hall A yesterday.

He said the centre was reopened since most hospitals had been converted to hybrid hospitals, as well as to reduce the workload on hospital staff.

"We will focus on patients from the Klang Valley for the time being."

He said patients from outside the Klang Valley would be treated if the need arose.

Present during the media tour was the Unified Command Centre assistant commander Dr

Ridzuan Mohd Isa, who is also Ampang Hospital's Emergency Department head.

He said the MAEPS facility would see a marked reduction in the number of patients compared with last year, as the majority of the people had already been vaccinated.

The quarantine centre in MAEPS was closed on Feb 8 after 14 months of operations, but was reactivated to handle the surge in cases brought by the Omicron variant of Covid-19.

"There are about 291 medical staff assigned here, up to Feb 25," said Dr Ridzuan.

## JOHOR

Coastal fisherman Junaidi Ali and his son Azlee going through the day's catch at Kampung Pendas Laut in Gelang Patah. — THOMAS YONG/The Star



> FROM PAGE 1

Haron said there were days when the seawater was at the right temperature, not too warm or too cold, for fish to come closer to the shore.

He said squid season used to be from February to April but it had since changed to May to July.

As for catching prawns, he said September used to be a fruitful time but their season had shifted to January for the past two years.

The 63-year-old, who has been a fisherman for 39 years, said coastal development projects in the Gelang Patah area had contributed to the dwindling marine life.

"Years ago, there was an oil spill from a ship in waters off Gelang Patah and fishermen could not go out to sea for three months," said Haron.

Former fisherman Ismail Md Said, 72, said 30 minutes to an hour before the sun rises was the best time for fishermen as fishes were active during that period.

"They feed in a frenzy and most

## Grappling with changing patterns



Ismail: Fishermen are now depending on luck when at sea.

of them end up in our nets," said Ismail who became a fisherman when he was 13 years old.

He said the feeding frenzy peaked during full moon or a new



Faidarus: We now have to go out a further 20km to land more fish.

moon and normally fishermen would land a good catch during this time.

Ismail, who called it a day in 1984 but still regularly meets with



Haron: The squid and prawn seasons have changed.

fellow fishermen at Kampung Pendas Laut, has noticed that their catch is getting less.

"Now they depend on luck," he said.

By ZAZALI MUSA  
metro@thestar.com.my

COASTAL fishermen are facing constant challenges due to climate change and vast development projects coming up in the southern-most parts of Johor.

ISEAS-Yusof Ishak Institute Singapore visiting fellow Dr Serina Rahman said climate change had resulted in more extreme weather phenomena like fierce storms and heatwaves.

"This has a direct effect on fishermen's ability to head out to sea," she said in an interview at Kampung Pendas Laut in Gelang Patah.

She said severe storms put the fishermen at greater risk when at sea and often, they had to turn back. Sometimes, they cannot head out at all.

Those using small boats cannot risk their life heading out to sea when weather conditions are not on their side.

Serina said this problem had compromised their livelihoods because of fewer days spent at sea.

The storms are also harder to predict these days.

"Our research on weather conditions (with input from coastal fishermen) reveals that the wind can change direction many times a day," she added.

In the past, winds were constant (if westerlies, then steady winds blow from the west for a few days). Now, however, the wind direction can change in a day.

"Fishermen can head out in fine weather but get hit by an unexpect-

## Fishermen in south Johor beset by challenges at every corner



Serina says extreme weather has affected fishermen's ability to go to sea.

ed storm while they are away from shore," said Serina.

Accidents caused by large waves are happening more frequently and monsoon surges do not follow long-held patterns.

"Nothing is predictable anymore. More frequent rain also affects water quality. The rain increases nutrients from run-off, causing the growth of unwanted algae in the water," Serina explained.

"The algae affects the fishermen's catch and damages nets.

"Fishermen normally repair damaged nets every month; now they



Azli says land reclamation along the shoreline has shrunk their fishing zones.

have to perform this task every two to three weeks," she added.

The ever-changing seawater temperature also had a direct impact on marine life, said Serina.

"Marine creatures do not like these different temperatures," she said, citing as example that in very cold weather, crabs seem to disappear.

She said the movements of marine species had changed too.

Fishermen now find it harder to read the seasons and weather.

South Johor Fishermen Association chairman Azli Mohd

Azli said there were good days and bad days for them.

"Sometimes, our catch is bountiful and sometimes, it is not worth going out to sea," he said.

He added that the weather, tides and water temperature seemed to change every other day.

Another major factor impacting the income of fishermen in recent years is development taking place in south Johor.

Azli lamented that large-scale land reclamation projects along the shoreline had shrunk their fishing zones.

"Our income has declined by more than half in the past five or six years due to land reclamation for multi-billion-ringgit waterfront property projects."

He said the fishermen's operating cost was also going up year by year as they needed to replace damaged nets and maintain their boats including the engine.

"Buying a boat is costly. Previously, a 20ft fibre boat would cost about RM12,000 but now, the price has shot up to RM20,000," said Azli.

There are about 2,500 coastal fishermen in south Johor and their fishing areas within 10 nautical miles cover Tanjung Piai, Iskandar Puteri, Pulau, Johor Baru, Pasir Gudang and Tebrau.

## Lima penternak rugi RM800,000 apabila 40 tan ikan mati

**Hulu Terengganu:** Lima penternak di Kampung Kubang Pabas, Kuala Tememong dekat sini kerugian lebih RM800,000 apabila 40 tan ikan air tawar yang diternak mati susulan banjir Ahad lalu.

Ikan tilapia, patin dan baung yang diusahakan Mohd Dzul Faizal Mazlan, 38, Zainal Abidin Endut, 41, Mohamad Ridzwan Endut, 27, Mohd Faizal Endut, 32 dan Sabri Endut, 39, mati dipercayai akibat air tertalu deras dan bertumpuk.

Mohd Dzul Faizal berkata, dia hanya mampu lihat sebanyak 54 sangkar ikan di langgar air deras ketika kejadian itu.

"Ada sangkar ikan penternak lain dari Kuala Berang yang dihanyutkan arus deras dan merempuh sang-

kar ikan kami menyebabkan sangkar ikan itu mengalami kerosakan teruk.

"Luhuh hati melihat semua ikan mati kerana fenomena banjir kali ini. Kami kehilangan pendapatan kerana semua ikan diternak mati dan tidak boleh dijual," katanya ketika ditemui di sangkar ikannya, hari ini.

Zainal berkata, sepatutnya sebanyak 10 tan ikan boleh dijual daripada sangkar ikannya itu pada Ramadan tahun ini.

"Boleh dikatakan penawaran ikan air tawar di negeri ini akan terjejas teruk pada tahun ini kerana ramai penternak ikan yang terjejas.

"Sekarang ikan sudah mati, kami terima dengan hati yang terbuka, cuma masalah sekarang kos me-

nguruskan bangkai ikan yang mati pun besar kerana ia perlu ditanam," katanya.

Katanya, kos untuk membaik pulih sangkar yang rosak itu juga besar dan berharap bantuan pihak bertanggungjawab.

"Paling kurang kami perlukan RM200,000 untuk membaik pulih 54 petak sangkar ikan yang rosak.

"Kos memasukkan benih ikan baharu juga besar iaitu sebanyak RM20,000," katanya.

Sabri berkata, dia berharap keprihatinan semua pihak untuk membantu penternak yang terjejas kerana fenomena banjir itu.

"Kami memang memerlukan bantuan daripada semua pihak untuk kembali menternak seperti biasa," katanya.



MOHD Dzul Faizal (kiri) bersama Zainal (dua dari kanan), Mohd Faizal (dua dari kiri) dan Sabri menumpahkan ikan yang mati.

TARIKH	MEDIA	RUANGAN	MUKA SURAT
3/3/2022	HARIAN METRO	LOKAL	10



IDRIS menunjukkan pokok jagungnya yang mati selepas ditenggelami air banjir di Kampung Temalir Lama. - Gambar NSTP/HAZIRA AHMAD ZAIDI

Oleh Hazira Ahmad Zaidi  
am@hmetro.com.my

#### Kuala Krai

“Saya terduduk selepas melihat kawasan kebun jagung yang sebelum ini menghijau bertukar menjadi tasik selepas ditenggelami air banjir pada Jumaat lalu,” kata warga emas Idris Hassan, 65.

Idris berkata, hujan lebat berterusan pada minggu lalu menyebabkan paras air Sungai Pahi dekat sini meningkat secara mendadak sehingga menyebabkan keseluruhan tanaman jagung yang ditanamnya di pinggir sungai musnah.

Katanya, pagi Jumaat lalu, tanaman jagung yang ditanam di atas tanah seluas 1.2 hektar yang diusahakan bersama adik-beradiknya ditenggelami air banjir separas dua meter.

“Bagaimanapun, pada petang itu air sudah surut, namun pada malam, hujan kembali lebat dan sekali lagi tanaman jagung ditenggelami dan paras air pada kali ini lebih tinggi iaitu separas

# Kebun jagung dibadai banjir

Warga emas rugi RM50,000 selepas 5,000 pokok musnah ditenggelami bah



**Saya memerlukan modal untuk memulakan semula tanaman dan kebiasaannya sebahagian hasil diperoleh daripada jualan jagung akan dibuat modal”**

Idris Hassan

tiga meter.

“Semua 5,000 pohon jagung yang ditenggelami banjir sepatutnya sudah boleh dituai pada bulan hadapan, namun saya hanya berputih mata apabila ia musnah dalam sekelip mata me-

ngakibatkan kerugian sehingga RM50,000,” katanya ketika ditemui di kebun jagung miliknya di Kampung Temalir Lama di sini, kelmarin.

Idris berkata, banyak kerugian yang dialaminya dan berharap kerajaan dapat menghulurkan bantuan bagi meringankan beban selain membolehkannya menanam semula tanaman selepas musim tengkujuh.

“Saya memerlukan modal untuk memulakan semula tanaman dan kebiasaannya sebahagian hasil diperoleh daripada jualan jagung akan dibuat modal, tetapi akibat kejadian ini, saya amat memerlukan bantuan.

“Sepatutnya saya mampu meraih hasil jualan jagung sebanyak RM10,000 sebaik

ia dituai pada bulan hadapan selepas dijual kepada pemborong dan penduduk di sekitar Kuala Krai, namun ia tidak menjadi kenyataan apabila semua pokok ditanam musnah ditenggelami banjir,” katanya.

Bapa kepada lapan anak berusia antara 15 hingga 40 tahun itu berkata, dia mengusahakan kebun jagung itu sejak 20 tahun lalu dan sepanjang tempoh itu, ini adalah kali pertama kebunnya ditenggelami air pada musim tengkujuh.

“Kebiasaannya saya akan mula menanam anak benih jagung di antara Mac atau April dan hasilnya dapat dituai selepas mencapai tempoh matang iaitu selama dua bulan setengah,” katanya.



TARIKH	MEDIA	RUANGAN	MUKA SURAT
3/3/2022	UTUSAN MALAYSIA	DALAM NEGERI	32

Mampu serap haba ketika cuaca panas, kering

## Teknik kabus subur tanamam

Oleh COWEN LINCH  
utusannews@medianullia.com.my

**SARIKEI:** Bebas serangga, sejuk dan menyuburkan tanaman. Itu antara keistimewaan teknik semburan kabus.

Kaedah baharu untuk tanaman hidroponik itu sebenarnya memiliki banyak kelebihan namun belum dilaksanakan secara meluas oleh pekebun sayur-sayuran di negara ini.

Kelebihan itu mencetus inspirasi kepada Awang Muhammad Izzat Al Hadi Awang Sallah, lepasan bidang bioteknologi Universiti Malaysia Sarawak (Unimas) untuk mencipta teknik tersebut di halaman rumahnya di Jalan Alamanda Kampung Seberang, Sarikei di sini.

Bercakap kepada *Utusan Malaysia*, beliau memberitahu, sistem baharu itu merupakan teknologi untuk merendahkan suhu di dalam rumah hijau.

"Apabila air melalui satu aliran sistem air, ia akan terpecah dan menjadi molekul-molekul kecil dan menghasilkan kabus ke bahagian rumah hijau yang menyerap haba."

"Menyerap teknik kabus itu juga, ia akan menyerap haba dan sekali gus menurunkan suhu di sekitar dan pada tana-



AWANG Muhammad Izzat Al Hadi Awang Sallah memeriksa tanamannya yang menggunakan teknik semburan kabus di halaman rumahnya di Jalan Alamanda Kampung Seberang, Sarikei.

man sekiranya kering kerana faktor cuaca panas," katanya.

Tambah Muhammad Izzat, teknologi kabus digandingkan dengan sistem 'Deep Flow Technique' (DFT) bukan sahaja berupaya mencegah tanaman daripada layu dan rosak, malah mampu meningkatkan hasil pengeluaran dan mengurangkan keberangtungan kepada sayuran import.

"Ia amat bersesuaian dengan kawasan yang suhunya tinggi dan boleh mencecah 35 darjah Celsius. Dengan adanya teknologi seperti ini, kita boleh mengawal suhu rumah hijau kepada 28 ke 27 darjah Celsius, terutamanya pada waktu siang dan petang ketika panas terik," katanya.

Tidak memerlukan kos yang tinggi, penggunaan teknologi

itu boleh dimanfaatkan oleh sesiapa sahaja, selagi ada minat dan kesungguhan untuk menerokai sesuatu yang baharu.

Minat mendalam anak muda ini terhadap tanaman hidroponik bermula selepas berkunjung ke Pameran Pertanian Hortikultur dan Agropelancongan Malaysia (MAHA) di Serdang, Selangor, lima tahun lalu.

## Pengusaha kelulut nafi bongkar isu balak

**MARAN:** Seorang pengusaha ladang kelulut di Taman Sri Keramat di sini menafikan terlibat membawa beberapa individu bagi membongkar aktiviti pembalakan yang didakwa berlaku di Bukit Makro di sini.

Selepas isu pembalakan di Bukit Makro terbongkar, pengusaha agropelancongan Taman Mini Kelulut Lestari, Ramli Md. Arof, 63, dilempar pelbagai fitnah sehingga menjejaskan kedatangan pengunjung dan penjualan produk Bitaly Kelulut Farm diusahakannya itu.

"Demi Allah, saya tidak tahu kedatangan mereka untuk membongkar pembalakan itu. Saya hanya melayan kedatangan mereka yang saya anggap seperti pengunjung lain," katanya kepada *Utusan Malaysia* di sini semalam.

Disebabkan itu, timbul isu mendakwa perusahaannya dibina di atas tanah haram sehingga



RAMLI Md. Arof menjadikan tapak mata air sebagai tempat memternak 15 sarang kelulut tanpa menjejaskan alam sekitar di kawasan berkenaan. - UTUSAN/NORHAFIZAN ZULKIFLI

menyebabkan satu notis ditampal di ladangnya sebagai amaran penerokaan hutan secara haram

yang ditujukan kepada umum. "Saya mengusahakan Taman Mini Kelulut Lestari ini sejak

2019 dan mendapat peruntukan kerajaan dalam usaha menjadikan taman mini ini sebagai daya tarikan," katanya.

Jelasnya, dia mengakui lokasi taman mini kelulut berkenaan terletak di atas tanah digazetkan sebagai tapak perumahan namun telah membuat permohonan untuk Lesen Pendudukan Sementara (TOL).

Selain itu, Ramli turut difitnah individu tertentu yang mendakwa dia meletakkan pagar bagi mengaut keuntungan dengan mengenakan tiket bayaran.

"Selama dibuka, ia tidak pernah dipagar, malah saya tidak pernah membuka kaunter bayaran melainkan mereka yang hendak mandi di kolam mata air yang saya sediakan bagi tujuan penyelenggaraan. Itu pun cuma RM2 sepanjang hari namun kebanyakan tiada bayaran dikenakan," katanya.

TARIKH	MEDIA	RUANGAN	MUKA SURAT
3/3/2022	UTUSAN MALAYSIA	AGRO.GAYA	23



PENUNJUNG teruja apabila dibawa menaiki kenderaan yang ditarik menggunakan traktor.

# Gudang makanan negeri Selangor

Oleh **ABDUL RAZAK IDRIS**  
 gayasutusan@mediamuka.com.my

**S**ELANGOR Fruits Valley (SFV) terletak di KM 7 Jalan Rawang-Bestari Jaya bukan sekadar tempat peranginan di hujung minggu mahu pun cuti umum.

Tanah berbukit seluas 1,000 itu juga boleh dianggap lembah subur gudang makanan untuk negeri Selangor.

Pelbagai jenis tanaman buah-buahan tropika seperti kelapa pandan, jambu, nanchem (nangka dikahwin dengan cempedak), mangga dan cempedak ada di sini.

Malahan buah anggur pelbagai varian boleh tumbuh subur dengan kaedah penanaman berbumbung.

Menurut Ketua Pegawai Eksekutif (CEO) Kumpulan Perbadanan Kemajuan Pertanian Selangor (PKPS), Dr. Mohamad Khairil Mohamad Razi, SFV diwujudkan pada 2003, bukan sahaja bertujuan menjadi tapak pertanian untuk makanan, sebaliknya sebagai *agrotourism* atau pelancongan pertanian.

Katanya, SFV mampu menjadi pembekal makanan dalam bentuk sayur-sayuran, buah-buahan jika berlaku masalah rantian pemasaran yang meruncing.

"Dalam kawasan SFV



ORANG ramai boleh mengabadikan memori di halaman rumah klasik yang diperbuat daripada kayu.

kita membawa petani dan peladang yang berpotensi untuk mengusahakan sayur-sayuran seperti sawi, pak choy, bayam dan kangkung," katanya ditemui di SFV di Rawang baru-baru ini.

Dr. Mohamad Khairil berkata, SFV sebagai lokasi *agrotourism* diharap mampu menjana ekonomi domestik khususnya dan negeri amnya.

SFV menyediakan segmen lawatan informatif untuk para pengunjung.

"Ramai hadir selepas Perintah Kawalan Pergerakan (PKP) dilonggarkan menjadi

PKP Bersyarat awal tahun ini," katanya.

**NAIK TRAKTOR**  
 Katanya, pengunjung akan dibawa menaiki kenderaan, mendaki bukit dan menuruni denai sekitar SFV menggunakan traktor.

Antara kawasan tumpuan di SFV adalah Taman Herba yang menyediakan kawasan tanaman herba.

Kawasan lain ada di sini ialah kawasan temakan haiwan seperti anamb, rusa dan landak.

Rusa yang jinak boleh

- INFO:**
- » SFV mula dibuka bermula pukul 9.00 pagi hingga 4.00 petang.
  - » Dibuka pada hari Isnin hingga Khamis.
  - » Tutup pada hari Jumaat.

dibelai dan diberi makan roti. Mohamad Khairil berkata, rusa yang ada di situ sudah pasti memberi keceriaan kepada anak-anak kecil.

"Melihat dan memegang



DR. MOHAMAD KHAIRIL MOHAMAD

haiwan yang selama ini dilihat di dalam televisyen dan buku sudah pasti bukan pengalaman yang mudah dilupakan," katanya.

Satu lagi tarikan yang tidak boleh dilepaskan adalah, melawat rumah klasik yang memaparkan tema rumah rakyat di negeri yang ada di Malaysia.

Mohamad Khairil memberitahu, di perkarangan rumah tersebut pengunjung boleh meminum air kelapa pandan sambil bersantai dan bergambar bersama keluarga.

"Jika ada yang berhasrat untuk menoreh getah boleh mengambil peluang berbuat demikian di ladang getah di SFV," katanya.